



Ministério da Justiça
Direcção Nacional dos Direitos Humanos e Cidadania

Avenida Jacinto Candido-Dili, Timor-Leste

Telp 3322406, 3331160

Press Release

Hanesan Estado Parte ba Konvensaan Direitu Labarik nian (Child Rights Convention) nomos hanesan obrigasaun husi nasaun ne'ebé ratifika tiha ona konvensaan internasional nian sei hatama relatoriu no halo apresentasaun relatoriu ba iha Komitee Tratadu nian. Timor Leste iha fulan Janeiro 2008 hetan konvite husi Komitee Tratadu nia atu halo apresentasaun relatoriu ba dala uluk kona ba Comom Core Documents, (initial report) Konvensaan Direitu Labarik nian (CRC) no Opsaun Protocolo rua (Opsaun Protocolo kona ba Labarik iha Konfliktu Armas no Opsaun Protocolo kona ba Fa'an Labarik, Prostituisaan Labarik no Pornografia Labarik) iha Geneva, 16-17 Janeiro 2008. Apresentasaun relatoriu hanesan dalan ida kona ba komitmentu Ita nian ba promosaun prinsipiu direitus humanos liu-liu ba promosaun no proteksaun ba direitu labarik nian.

Iha oportunidade ida ne'e, Estado Timor-Leste forma ekipa ida atu ba halo apresentasaun no defende relatoriu Estado nian kona ba CRC ne'e iha Komitee nia oin iha Geneva. Ekipa ne'e rasik chefia husi S.Exa. Dra. Lucia Maria Brandão Freitas Lobato, Ministra da Justiça ho membros teknika hanesan Dr. Sergio Hornai (Direitor Defensoria Publico), Dr. Nelinho Vital (Offisial Direitus Humanos-Ministério da Justiça) Sr. Licinio Branco (Offisial Direitus Humanos-Ministério do Negócios Estrangeiros).

Apresentasaun relatoriu CRC ne'e hala'o durante loron 2 (16-17 Janeiro 2008) iha Palais Wilson, Geneva. Iha ninia diskursu ba abertura iha loron dahuluk, S.Exa. Ministra Lobato fo sai katak, hanesan nasaun foun no nasaun ne'ebé kiak, hasoru dezafius barak ba implementasaun KDL ne'e. Obstaklu bot ne'ebé durante ne'e Governo hasoru maka limitadu rekursu humanos no orsamentu. Maske nune'e, Estado iha komitmentu bot atu kuda prinsipiu direitus humanos nian iha ita nia kultura rasik. Komitmentu Estado nian ne'e refleta iha Artigu 9 Konstituisaan RDTL nia.

Konkritizasaun ba Artigu 9 Konstituisaan RDTL nian maka hatúr esperitu direitus humanos nian (tuir konvensaan direitus humanos nian ne'ebé Estado ratifka) iha ita nia lei nasional tomak. Governo mos esforsu aan hodi dezenvolve lei espesifiku kona ba promosaun no proteksaun ba direitu labarik hanesan, lei justisa juvenil, lei kodigu penal no kodigu sivil (artigu ba labrik nian), no seluk tan. Artigu 9 Konstituisaan RDTL nian mos fó fatin ba lei internasional ne'ebé RDTL ratifika sei valem hanesan lei nasional

enkoantu sei dauk iha lei nasional. Ikus mai S.Exa. Ministra Lobato hato' o mos katak atu hametin liu tan komitmentu Governo nian ba promosaun no proteksaun direitu labarik iha fulan Junho 2008, sei hari Komisaun Nasional ba Direitu Labarik nian.

Durante lora 2 dialogu ne'e, membros Komite husu perguntas barak kona ba Governo nian komitmentu atu resolve problema labarik liu husi meius legal tomak, hanesan atu kria lei ba hodi proteje labarik sira, kondisaun labarik sira nian iha rural area hanesan edukasaun no saude baziku, asesu ba media, asesu ba infrastrutura no oin nusa atu respeita labarik sira nia opiniaun. Iha diskusaun ne'e, ekipa consege hato' o hotu informasaun hodi responde duvidas no perguntas husi membrus Komite tomak. Ikus mai, iha lora ikus, Komite hasai sumariu kona ba Estado nia relatoriu ne'e nomos rekomendasaun ba Governo hanesan dalan ida mos ba desenvolve politika promosaun no proteksaun direitu labarik nian (sumariu no rekomendasaun ne'e sei hato' o ba Governo iha lora 1 de Fevereiro 2008).

Hafoin remata diskusaun ba lora 2 ne'e, ekipa ki'ik ida nebe chefia husi S.Exa. Ministra da Justiça desloka keda ba Portugal hodi ba halo negosiasaun nomos asina MoU ho Ministério da Justiça Portugal nian iha area kooperasaun ba desenvolvimentu seitor justiça.